



PRESS RELEASE

CRIM I LONJEM NIUFALA NASONAL SISTEM BLONG RIJISTRESEN WEH HEMI **RegisterViz5 – RV5**

Port Vila, VANUATU – 28 Mei 2025 – Minista blong Internal Affairs, tru long Dipatmen blong Civil Registry mo Identity Management (CRIM), i glad blong talemaot se oli lajem niufala sistem blong rijistreson we oli kolem RegisterViz5 (RV5), we hem i wan impoten step blong go long fasin blong digital gavman long Vanuatu.

Sistem RV5 i stat blong wok long manis ia mo bae i riplesem sistem blong RegisterViz4 -RV4 we oli stap yusum bifo. Niufala sistem ia bae i mekem wok blong rijistrem mo printem ol pepa olsem National ID kad, bèt, maret, mo ded certificate i moa isi, stret, mo seif wetem niufala teknologi mo sistem blong luksave stret data.




PHOTO: RegisterViz5 - RV5 Display

Mo tu, RV5 bae i sapotem Vanuatu Electoral Office (VEO) blong mekem se ol vota oli rijista stret, no i gat dupliket rijistreson, mo seif kaitem raet blong ol sitisen blong vot.

Lonjing blong sistem ia i kam tru long wok tugeta blong CRIM, VEO, mo ol narafala patna, anda long lidaship blong Ministry of Internal Affairs mo Electoral Commission.

Sistem ia i kasem sapot long UNDP tru long Vanuatu Electoral Environment Project (VEEP), we New Zealand Ministri blong Foreign Affairs mo Trade (MFAT) i sponsorem. Teknikol wok blong mekem sistem ia i kam tru long ol local IT ekspat we oli wok kolosap wetem CRIM mo VEO.

Long dei blong lonjing, wan seremoni i bin hapen long hed ofis blong CRIM long Port Vila, mo Director General blong Ministry blong Internal Affairs, Mr. Leith Veremaito, i witnesem fes ID we oli printem long niufala system ia RV5. Sam important pipol we oli bin stap long seremoni ia oli:

- Mr. Edward Kaltamat, Jeaman blong Electoral Commission
- Mr. Guilain Malessas, Principal Electoral Officer
- Ms. Georgina Tari, Deputy Registrar General
- Mr. Gary Tavoia, Deputy Principal Electoral Officer
- Mr. Nicky Evans Doan, Dipatmen blong Komunikasen mo Digital Transformasen
- Ms. Malgorzata Wisniewska, UNDP VEEP Project
- Narafala ki stakeholders mo patna's



PHOTO: Grup foto wetem CRIM, VEO, UNDP AND OTHER STAKEHOLDERS – RV5 Lonjing

Registrar General blong CRIM, Mr. Jeffrey Tila Langati Trief, i talem se hemia wan impoten milestone blong sistem blong rijistreson long Vanuatu. Hem i talem tu se trening bae i stat kwiktaem blong CRIM staff long Port Vila, ol provins, mo Area Administrators bifo oli mekem bigfala launching long kantri.

Director General Veremaito i talem se RV5 hem i stap long digital plan blong ol public sevis. Hem i talem tangkiu long CRIM, VEO, DCDT, UNDP mo olgeta IT staff blong wok strong mo lukluk long gudfala fasin blong wok blong helpem developmen blong kantri.

Achievement ia i soemaot niufala japta blong sevis long public mo i mekem Ministri i strong moa long komitmen blong wok long wan sistem blong identity we i seif, i includem everiwan, mo i yusum teknologi blong benefit blong olgeta Ni-Vanuatu tedei mo long fiuja.